

本书出版得到国家古籍整理出版专项经费资助

清代史料

线装书局



官员管理史料 二九

清代吏治史料

綫裝書局



署理貴州巡撫臣沈廷正謹

題為報明事該臣看得思南府屬沿河司吏目朱文德土官張錫係擅理
民詞縱役任學惠詐贓逼起候勝彪下水身死一案經前署撫臣祖秉
圭批司查報去後嗣因限滿據司詳揭婺州縣知縣黃之徵承審遲延
職名咨叅在案茲據代理按察司事張驛貴東道楊永斌詳據思州府
知府吳穀呈據婺川縣知縣黃之徵申稱任學惠詐贓逼命已據該犯
招認至吏目朱文德土官張錫候賄買屍子等脫逃改供已據屍妻朱
氏屍子候加福供證甚明並將所給布絹耳環繳送在庫而吏目土官
特係現任職員不吐實情且將張存允藏匿不令出質到揭詳請

題叅前來除吏目朱文德經臣咨部斥革發審外所查張錫候係
題請承襲土官相應請

旨將沿河司正土官張錫候革職以便與案內有名人犯一併嚴審究擬臣

謹會

題伏乞

皇上睿鑒施行謹題請

旨雍正六年十月初二日題十一月二十三日奉

旨這所叅張錫候著革職其擅理民詞縱役詐贓等情與案內有名人犯該
撫一併嚴審究擬具奏該部知道

江西巡撫臣張坦麟謹

題為據實稟明事該臣看得南豐縣斬犯譚公安脫逃一案緣公安係因雍正六年秋審解省發回於五月十二日遞至進賢縣值署縣李鴻翔往鄉踏勘縣丞典史皆奉差在外縣書葉時芳將文批解役送訓導曹仁及倉點及應點後各役並未押解僅頂替之周紹文一人領批十三日行至花園地方該犯以天暑搨扇逼令解役開鎖長解曾成輒將公安肘鎖開放至一更時分始到臨邑城門已閉投歇李德明飯店致譚公安借出恭東間脫逃曾成江才先後追趕而去竟不赴臨邑稟報次早店戶李德明報縣通詳經前撫臣布蘭泰批司飭審查叅去後茲據按察使胡瀛詳稱長解曾成等雖稱並無受賄故縱而私開肘鎖致逃罪復何辭護解兵役等亦應一體治罪但譚公安尚未弋獲曾成等受

賄故縱之處應俟緝獲譚公安日質審從重定擬開具職名請叅前來
臣查譚公安乃秋審情實斬犯曾成等擅開肘鎖以致脫逃顯有賄縱
情弊除批飭再加究訊併逮捕懸賞勒緝譚公安務期必獲質審從重
妥擬招解外所有僉差不慎職名則係南豐縣知縣王錦等相應列叅
統聽部議謹題請

旨雍正六年十月二十四題十一月二十四日奉

旨王錦等著議處具奏該部知道

山西巡撫臣覺羅石麟謹

題為病軀難以供職事該臣看得絳州屬之襄陵縣知縣吳世雍年力已衰復染風痰病症手足麻木步履艱難延醫調治未愈呈請乞休恭據署布政司印按察使蔣洞委員驗看吳世雍年力已衰患病情實取結詳報臣查襄陵縣知縣吳世雍才具平常年力已衰委員驗看患病情實應令休致除結送部外再查襄陵縣一缺風俗頗頑賦額四萬八千有零必須才猷諫達之員方克勝任茲查有本年三月內奉旨命往山西交臣有州縣缺出酌量

題補之閻鈞臣屢經委令署事勤敏供職實係才能之員以之補授襄陵縣知縣洵屬人地相宜謹

題請

旨雍正六年十一月初十日題十一月二十四日奉

旨該部議奏

署理山東巡撫印務臣岳濬謹

題為哀病不能供職事該臣看得鹽運分司運同宋懷金患病乞休據布政使費金吾詳稱委官署蓬萊縣事濟南府同知徐閔實驗看得宋懷金哀病情實委係氣血兩虛已成風痺偏廢之症實難供職取有印結呈詳前來相應

題請休致員缺另聽銓選除結送部外臣謹會同鹽臣鄭禪寶督臣田文鏡合詞具

題伏祈

皇上勅部議衆施行謹會題請

旨雍正六年十一月初九日題本月二十四日奉

旨吏部議奏

議政大臣署理吏部尚書^高事務領侍衛內大臣三等公降二級加一級臣
傅爾丹等謹

題為欽奉

上諭事該臣等議得兵部咨到道路墩鋪失事議處之案二十二件又原任
山東巡撫塞楞額咨到行各翁之亮等行至山東館陶縣地方被劫一
年限滿盜未全獲之案一件又咨到嘉祥縣事主晁恬家被劫一年限
滿正盜無獲之案一件共二十四件相應開列彙

題俟

命下之日臣部遵奉施行謹

題請

旨雍正六年十一月二十三日題本月二十五日奉

旨依議趙向奎著於陞任內罰俸三個月

議政大臣署理吏部尚書事務領侍衛內大臣三等公降二級加一級
臣傳爾丹等謹

題為

聖主垂恩遵

旨自首事該臣等議得河道總督齊蘇勒等疏稱據効力知縣張璦呈稱身
係正黃旗人原名張琨私頂身兄張璦招民知縣職名赴工効力三十
餘年欲早出首懼罪未敢舉行近奉

俞旨許以自首免罪為此據實投首伏乞題達革退歸旗等情相應題奏等
因前來除張琨已據該督給咨押解歸旗外查雍正六年六月內
奉

上諭現在各省官員雜職內若有假冒頂替之人著本人自行出首朕聞恩

免其治罪但令革退回籍欽此欽遵在案今効力知縣張璦原名張琨私頂伊兄張璦招民知縣職銜赴工効力情由既經自首應將張琨頂冒之招民知縣職銜革退遵

旨免其治罪勒令歸旗恭候

命下臣部遵奉施行謹

題請

旨雍正六年十一月二十三日題本月二十五日奉

旨依議

經筵講官太子太保保和殿大學士兼管吏部戶部尚書事加二級臣
張廷玉等謹

題為課書侵蝕等事該臣等議得戶部咨稱先經原任江西巡撫布蘭泰
以南昌府叅革知府張景偉故縱課書熊魁等侵收各年漁課銀三千
八百六十兩二錢八分九厘零一案內除張景偉墊完各年民欠銀八
百七十九兩一錢八分零實侵收民欠銀二千九百八十一兩一錢零
等因本部以張景偉既有墊完民欠八百七十餘兩原叅疏內因何並
未聲明混行捏報行令嚴查補叅去後今准護江撫李蘭溪稱張景偉
墊院民欠銀兩交盤案內署府吳恩景造冊出結並不查明分晰所有
查叅不實混行捏報之署府事臨江府知府吳恩景相應核叅交與吏
部議處等因前來 查定例凡應完結之錢糧不行分晰明白混行

造冊之府州縣官降一級調用等語應將查叅不實混行捏報之署南昌府事臨江府解任知府吳恩景照例於補官日降一級用恭候命下臣部遵奉施行謹

題請

旨雍正六年十一月二十四日題本月二十六日奉

旨依議

經筵講官太子太保保和殿大學士兼管吏部戶部尚書事加二級臣
張廷玉等謹

題為報明事該臣等議得刑部咨稱浙江總督管巡撫事李衛疏稱竊犯
王連係行竊鄞縣朱世瑄家擬絞監候應入本年秋審之犯據鄞縣知
縣楊懿差役杜茂鄭恩押解赴省詎該犯於四月二十一日早晨在於
省城歇店脫逃除將杜茂等解回鄞邑現在嚴飭究審縱放實情并勒
拿逃犯王連務獲另報外所有僉差不慎之鄞縣知縣楊懿相應題參
至該管之陞任寧波府知府孫詔亦應附參再此案王連一犯係因秋
審該縣徑行起解在省脫逃似與由府轉解中途脫逃者有間合并聲
明聽候部奪將原抄送吏部議等因前來查定例斬絞重犯州縣
官已加肘鎖多差解役脫逃者降一級限一年督緝等語應將僉差不

慎之勤縣知縣楊懿照例降一級限一年督緝至該管之知府該督既稱王連一犯係因秋審該縣徃行起解在省脫逃與由府轉解者有間等語應免其查議恭候

命下臣部遵奉施行謹

題請

旨雍正六年十一月二十四日題本月二十六日奉

旨依議

吏部等部議政大臣署理吏部尚書事務領侍衛內大臣三等公降二級加一級臣傳爾丹等謹

題為報明人犯越獄脫逃事該臣等議得刑部咨稱河東總督田文鏡以陳州黃四係拒捕扎死田四擬斬監候之兇犯趙二李三吳八邱二趙二段三係行劫陳州曹進甫家案內審擬盜犯薛三馬五李福係行劫陳州梁其國家案內審擬盜犯唐大兒係行劫沈邱縣陳世湖家案內解審盜犯李三係行竊陳州杜紹家案內拒捕傷人審擬充軍查妻發遣之犯於雍正六年三月三十日酉刻遵值商水縣遞解湖北轉發山東安置流犯孫方太等到州收禁黃四等即束開監扭脫鎖鑰將禁卒許國打倒綑縛併將刑書陳有學禁卒李全等打昏仆地脫逃當經陳州知州林貽熊率同營汛拿獲五名尚有七名未獲將跡防之陳州吏